

华侨运动之意义及其计划

吕家伟著

华侨运动之意义及其计划

吕家伟著

例言

- 一、作者見聞所及，只限於英屬馬來半島一隅，故內中敘述，亦以英屬馬來半島爲根據。
- 二、本書作於民國十七年間，證之今日之南洋，勢移事遷，間有未孚。陳福瑞先生之序例，已有詳細論及，讀者可資參證；且藉此可以察社會之變遷，瞬息萬殊。
- 三、本書撰述之目的，在引起國人及僑胞之注意，非以立言垂世爲本旨。故着重事實之遷延，不求理論之考訂，讀者幸毋以囁薄見諒。
- 四、本書細目，爲尤惜陰先生所補入，於閱讀方面，頗見醒目。
- 五、本書內容，承劉士木陳福瑞兩先生潤削之處頗多，一併在此道謝。

民國十九年十月著者於文化部

華僑運動之意義及其計劃序例

今日海外之華僑，如何保護，以促其進展，已成一緊張之問題。前此之放任政策，固屬不當；然國體薄弱，兼顧之勢，有心無力。所謂運動之謀，究從何起？必也！僑胞本身有迫切之覺悟。國內團體有聲應之氣援，政府當局有具體之保障，能如此，雖未必即收提綱挈領之功；當亦得指臂相扶之效也。本書著者呂家偉先生，居南洋未一年，於南洋之近情，僑胞之弱點，多所觀察。痛快之言，現於筆端。匡時之論，頗具方略。於華僑運動之意義及其計劃，因時間倉卒，雖未有一貫之主張，系統之釐訂；然而實地探討，間有新知。救弊之言，針針見真。片羽吉光，彌足珍貴。誠如著者所言：『只求事實之如斯，不亟亟於理論之爭持。』蓋華僑今日之社會，千瘡百孔。非此不足以救目前之危難，奚暇空闊無謂之高論，以稽時日。

惟本書所言，多爲三四年前之狀態。證之今日之南洋，或有未孚。然社會情形之變幻雖無常，而興廢存亡之跡象可循測。是因過去之實情，可察來日之變遷。故本書之付梓也，一仍舊說，未加改削。非昧於時勢之變易，而好貽讀者以黃花之誚。特其市場經濟之變幻雖移，而僑胞所處之地位與危機，依然如昔；或有甚焉。是學術智識之灌輸，僑務人才之培植，仍爲目前所不能刻緩之急圖。至於失業工人之救濟，營謀墾殖之指導，更爲作者之所先知而爲目前迫切之需要。鑒乎此，始能應付市場瞬息萬變當局壓迫苛待之南洋。

夫僑務機關之設立，作者鑒於曩昔政府因循敷衍之失敗。以監督之權，仍之當局。以奉行之責，委之暨南大學。此種建議，是否有當，另一問題；然其關懷僑胞，急於求效之熱誠，實足獎勵。讀者果能因著者之厲聲疾呼，作洛鐘之西響東應，則國人皆曰『行』，僑務雖未易辦，或亦有成功之一日也。著者之執筆也，固

懸懸以此爲懷；而本部之付刊也，亦眷眷以此爲念。聚愚成智，亦端賴國人及政府之注意與繼起耳。

至南洋之近情，與數年前不同或適得其反而必須聲明以免讀者之誤會者，亦有多端，茲略舉其大者於後，以資參證。

(一) 橡皮與錫米之市場，日見慘落。『所謂消費與產額，恰如其量，適劑於平者』，特昔年之現象耳。今則供過於求，橡皮價格，已由二百餘元（叻幣）（二十四年度）跌至百餘元（十五六年度）而慘落至十餘元。（目前狀況）錫米亦由二百餘元降至六七十元。橡皮一物，倫敦囤積常在十數萬噸以上。故橡皮錫米，當地政府已明令限制割採，以資救濟。其萎靡頹亂之狀態，不堪一述。其將來變化至如何地步，仍未可知。吾人覽古鑑今，桑榆之收，或亦賢者之所務。作者執筆時雖嘗以價格低降爲憂，而未卜其慘落至此，至有是言，此不能不說明者一。

(二) 所述『消費增加，業商者利市三倍』云云，亦昔日三十四年間之狀態。今則市場冷落，倒閉時虞，失業者日有所聞，僑界無不憂形於色。勢移事遷，前後相反，此不可不說明者二。

(三) 英屬各地郵局，有郵政儲金之設；且附有兒童儲蓄部。即各銀行亦有儲蓄機關之附設。作者謂英屬馬來半島無一儲蓄機關，雖專指僑界而言，或亦有所忽漏。雖然，僑界缺乏儲蓄之興趣與經驗，不加注意，誠如作者所言。對症發藥，作者固有心人也。此不可不說明者三。

(四) 英屬僑校之附設初中；或獨立中學，（初級）現已蓬勃滋長；雖受市場冷澀之影響，仍不稍沮。較之荷屬，霄壤相別。今南洋社會，百業凋殘，獨學校頗有朝氣及向榮之象。所謂三數中學，乃數年前之事耳，此不可不加以說明者四。

(五) 自金價高漲後，國幣低落，益見慘澹。所謂『國幣五百元僅當叻幣四百

元」云云，此種金融之市場，亦三四年前之現象。今則叻幣益昂，國幣益賤，五百元之國幣，恰當叻幣二百五十元至三百元耳，此不可不說明者五。

凡斯種種，或爲作者之所略，或爲事勢之推移，非圖見聞也。至於本書之內容，本無細目，尤惜陰先生爲緊醒讀者起見，另爲條分。於文意或有間斷；然便於閱覽，實多可採。故於付印之始也，一併在此述及！

十九年十月陳福璿於暨大文化部

序

華僑去國離鄉，內不得祖國之保護，外失同僑之互助；當地虐政，苛於猛虎，身家性命，危殆何如？然猶日夕辛勤，孜孜不輟。披荒穢，闢道路，勞苦功高，仍不得彼黠者之優容。吁，嗟乎！我海外華僑，無往不在水深火熱之中也。苟長此以往，不自求解脫之方；千百年來之勳績，將斬於斯矣。言念及此，爲之心痛。按我華僑，散居海外，何國蔑有，人數之衆，據近人估算，當在千萬以上，倘能互相聯合，內圖同僑之福，外張祖國之威，詎不盛歟？而聯合之要圖，宜在文化經濟兩端盡其力，一以濬僑

民之智，二以謀衣食之足，且須旦夕不忘祖國之興衰強弱，以爲後援。能如是也，或可免異族之侵凌，而脫當地之羈絆，否則棄本忘源，人自爲政，華僑雖衆，焉能獨存耶？是書作者爲粵東呂家偉先生，因實地之探討，發爲驚心之危言。語語藥石，令人深思。嗟夫！人心未死，尙有可爲；國內外人士，苟能因作者之厲聲疾呼，鑒節相和，懷仁相助，又烏知僑事無可爲者哉！今喜該書之殺青而脫版之有日也，因綴數言，以弁其端。

中華民國十九年仲秋策羣序

華僑運動的意義及其計劃目錄

凡例.....	編者
序例.....	陳福璣
序.....	策羣
弁言.....	一.....(負)
可憐彼懶惰致弱之民族.....	一——二
不甘爲時代之落伍者其速起.....	二——三
數百萬僑胞轉病爲健之藥石.....	三——四
人不自侮誰敢侮之.....	五.....
自醜難知借鏡便見.....	五——六

民之智，二以謀衣食之足，且須旦夕不忘祖國之興衰強弱，以爲後援。能如是也，或可免異族之侵凌，而脫當地之羈絆，否則棄本忘源，人自爲政，華僑雖衆，焉能獨存耶？是書作者爲粵東呂家偉先生，因實地之探討，發爲驚心之危言。語語藥石，令人深思。嗟夫！人心未死，尙有可爲；國內外人士，苟能因作者之厲聲疾呼，鑒節相和，懷仁相助，又烏知僑事無可爲者哉！今喜該書之殺青而脫版之有日也，因綴數言，以弁其端。

中華民國十九年仲秋策羣序

華僑運動的意義及其計劃目錄

凡例.....	編者
序例.....	陳福璿
序.....	策羣
弁言.....	一.....(頁)
可憐彼懶惰致弱之民族.....	一——二
不甘爲時代之落伍者其速起.....	二——三
數百萬僑胞轉病爲健之藥石.....	三——四
人不自侮誰敢侮之.....	五
自醜難知借鏡使見.....	五——六

猶太人昂頭天外我國地位勝彼千萬倍·····	六——七
華僑實負特大之使命·····	七——八
華僑受外人壓迫之種種原因·····	八·····
最初目的之自誤·····	九·····
傲慢致富者輕視智識而種召侮之深因·····	九——一〇
無數新希望一一被外人網羅以去努力工作者亦苦喫飯難·····	一〇——一
同僑自殺而召外侮皆縣見幫界從中作祟·····	一一——二
在拜金主義下獲得社會地位·····	一三·····
以粗陋見聞爲經世之學劉開張神權代表一切之結合·····	一三一——四
國學無根極久居是邦者深受馬來之惡化·····	一四——一五
目中所見惟有金錢心中所懼但有外人幾人認識人生真價值·····	一五——一六
各不相謀之部落思想適中外人離間吾族之陰謀·····	一七一——八
南洋教育苟無澈底覺悟與實行改造轉瞬將陷於不可收拾之窮境·····	一八一——二
現在南僑中缺乏真正合作互助代表公共意見力謀公衆幸福之機關·····	二二——二四
華僑徒有愛國之心而無愛國之術故政治訓練需要熟·····	二四——二六
我國僑民地位雖優但人謀未盡恐不久卽爲東西諸國農競勢力所壓 倒·····	二七——二八
華僑千餘家錫鐵公司大部分爲人工採掘者受機器採掘之壓迫等於 武力侵略·····	二八——二九
馬來半島百五十萬華僑爲一大消費者傷心日用百物都要仰給舶來 品·····	二九——三
日人吸我華僑膏血之巧計·····	三一——三二

信用國貨爲華僑最大之使命.....	三三—三四
擴展航運爲僑衆與祖國增進一切關係之導線.....	三四.....
華僑握大南洋經濟實權却在經濟上不占幾何地位豈非怪事.....	三四—三五
提高華僑程度當先注意祖國文化.....	三五—三六
海外知識階級之藥石.....	三六—三七
華僑匯回金錢用途之分析及其利害.....	三八—四〇
吸收華僑金錢之商家尙有是非功過之批評.....	四〇—四一
匯款歸國供家人消費於舶來品者之罪過.....	四一—四二
腳根未站穩產業如泡沫.....	四二—四四
英人借華僑大力造成海峽殖民地無邊福利.....	四五—四六
僑民自身與祖國同受絕大之損失.....	四六—四七
志士爭存賢者當國幸勿忽視今後之海外新發展.....	四七—四九
殖民政府販賣鴉片農藥公司虐待華工皆其自殺行爲之表現.....	四九—五〇
大世界轉亂爲治之潮音.....	五一—五三
和平之天使不屬阿誰而屬吾大中華民國之天民.....	五三.....
今後華僑出死入生之大計劃.....	五四—五五
華僑學生之天職與主持華僑教育者之急圖.....	五五—五六
改善今後華僑地位全在此輩華僑學生之鐵肩銅腕上.....	五七.....
主持僑務者之責任與殊特之設施.....	五七—五八
培養專材學校之需要及選拔時代英俊之方略.....	五九—六四
培殖基礎人材三種非常重要之宣傳工作.....	六四.....
(一)政治宣傳.....	六四—七〇

(一)文化宣傳.....	七〇—七四
(二)國內情狀之宣傳.....	七四—七九
目前最急切之僑務.....	七九—八〇
(一)嚴密限制及補助南洋之教師.....	八〇—八一
(二)制定華僑教員保障條例.....	八一.....
(三)設立南洋教師資格養成所.....	八二—八三
(四)學校註冊條例之補救.....	八三—八四
學校及文化事業之設計.....	八四—八七
社會事業之指導.....	八七—八八
(一)設立職業介紹所.....	八九—九〇
(二)設立失業收容所.....	九〇—九二
(三)設立殘弱疾病救濟所.....	九二—九三
(四)新客指導與舊客遣回.....	九三—九四
團體之聯絡指導與最高仲裁機關.....	九五—九六
人口無限移殖之注意與研究團體之成立.....	九六—九七
獎勵勤儉儲蓄以備非常.....	九七—九八
工人待遇之改善.....	九八—一〇〇
生產事業之指導.....	一〇〇—一〇二
政治運動應取沉實態度以求實際.....	一〇一—一〇二
僑務機關之組織.....	一〇三.....
華僑運動之特質.....	一〇三—一〇四
十大綱要.....	一〇四—一〇五

兩大步驟……十四項目之貫澈……	一〇五—一〇六
羣衆運動之進程及現實……	一〇七……
羣衆運動中三種之特性……	一〇七—一〇九
誰能出而負責專門辦理今後之海外事業乎……	一〇九—一一〇
僑務機關行使主權問題之焦點……	一一一—一二
經理僑務進行與法律執行機關必具之六要素……	一二—一三
暨南大學及暨大學生在今後改造南洋華僑地位上之重要使命……	一三一—一六
僑務設計委員會之組織……	一六一—一七
僑務人材之選擇……	一七一—一九
努力實行民族自決科學救亡……	一九—一二三
國人對於華僑應有特別之諒解與道義的往還……	一二三—一二四
世事祇問做不做沒有難不難……	一二四……
書後……	著者
讀後書感……	張明慈

南洋文化事業部出版叢書目錄

南洋華僑殖民偉人傳	(一角五分)	胡炳熊
馬來半島土人之生活	(二角)	顧因明
荷屬東印度之實業教育	(二角)	劉士木
南洋華僑史	(六角)	李長傳
中華民族之國外發展	(六角)	黃朝琴
南洋華僑教育論文集	(七角五分)	劉士木
南洋華僑概況	(八角)	錢 鶴
南洋華僑學校之經濟	(二角)	李則綱
南洋華僑學校之教育制度	(四角)	李長傳
中華南部及南洋園藝觀察談	(四角)	劉士木
南洋荷屬東印度商法	(八角)	林堯方
華僑運動之意義及其計劃	(六角)	劉士木
南洋通史	(八角)	呂家偉
南洋各屬學校註冊條例	(一元)	李長傳
馬來半島詳圖	(一元二角)	劉士木
南洋華僑學校之調查與統計	(八角)	陳再安
▲代售處▼ 上海及各省商務印書館 南洋美洲及日本各書店		錢 鶴

華僑運動之意義及其計劃

弁言

去歲作馬來半島遊，閱時八月，英海峽殖民地，馬來聯邦及馬來屬邦等各州，足跡始遍；荷屬方面，以限制甚嚴，無法入口，未得一窺其內容，良以爲憾！此行以忙於主客間之往還，調查所得，轉覺無多。間有聞見，亦復野乘趣事，無關大計。獨異鄉景物，最動人思，晨夕接觸，不能無感；歸國以後，印象益深，似欲吐之，然後快耳。

可憐彼懶惰致弱之民族

馬來半島以天時佳，地質厚，故產品至豐。土人享用天然，少費勞力。曾涉

足是間者，類能道其萎靡與怠惰之情狀。物競天擇，適者生存，此紮日趨於被淘汰之馬來民族，不但積弱如我國僑民，猶得騙策而奴役之；即吉寧人之思想行為，亦在其上，是蓋世上最低劣之民族也。

不甘爲時代中之落伍者其速起

雖然馬來人之日就淪亡；果何因而致此乎？夷考其由，不外不工作與工作之不得其當而已。夫人生之真諦，果能悉如各人之希望與要求，適於天行，以生以死，相安無事，如「烏託邦」之所云乎？無如人類之慾望至無窮，而物之克以滿足人慾，至有限。以至無窮，求至有限，數量既相懸殊，權利亦各互異，而欲人類之不衝突，又烏乎可。由此要求，實開古今中外政治經濟之局，而爲近世立國於宇宙之原則。吾人處茲時代，倘無向上思想，進化觀念，如一般馬來人之徒食自然，終身於牛馬之役，生死於無意識之天，則自身可以不修，國事可以不談，斯亦已矣。否則宜如何請求，如何努力，俾不淪於奴隸之途，而免爲時代之落伍也！

數百萬僑胞轉病爲健之藥石

從歷史上觀察，各民族之生存，倘非制度相同，無法相趨，則其結果，恆不出於統治與被迫之途，馬來卽其一例。我國民族在世界上之地位何如乎？南洋僑胞之地位又何如乎？觸目興懷，不寒而慄！此次南遊，每見僑民以僥倖獲利，恆有自得自足之意，而忘其現在所處地位之可憐，此殊不解。我國民族開化最早，思想與努力，實不後人；且移殖南洋，亦既有千百年之歷史，積累之深，殊非歐人所能及；理宜日有進展，爲他人先，今乃勢力日促，報酬日減，而被壓迫之程度亦日以深，是豈天時地利之變歟；抑人事之有濟有不濟歟！余欲一問。或曰：「國家保護不

力，致僑民日受壓迫，欲求拓殖之順利，僑民之安全，非有強大之海陸軍以爲遙護不可！——夫國力不張，爲殖民事業失敗之唯一原因，固無可諱。以今日內部紛亂，處處受帝國主義者之侵略如我國，一旦而欲求有強大之海陸軍，保護海外僑民，與彼根深蒂固之帝國主義者相角逐，互爭雄長，斯固不易辦到之事。然使國力薄弱，未足以盡保護之責，而即謂海外僑民必無發展可能，斯又未敢盡信。嘗稽史乘，每見民族之興亡，其間有以戰爭與文化之失敗及絕滅，而致一蹶不振者；亦有雖已破滅其國家，而其民族之潛滋勢力，仍生生不已，隱有復國之勢，足操世界之大權者。其族維何？猶太是也！世界民族被壓迫最久，受暴力摧殘最大者，有如猶太人乎？已無國家政府之保育，仍具有近代民族生存之權勢，有如猶太人者乎？然以其含辛如苦，堅忍不拔之志，此輩雖久無國家保護之民族，竟進而隱操世界經濟之大權，以伸其報復之志。倘謂此一千萬之海外華僑，除國家切實保護外，即無發展可能，自認不若亡國千年之猶太，此非最足羞痛之事乎！

人不自侮誰敢侮之

語云：「人必自侮，然後人侮之。國必自伐，然後人伐之。」吾儕欲究華僑年來屢受壓迫及其衰落之原因，倘自省察，則必發見其間有許多墮落之由，取侮之道。此不幸之被迫摧殘，當亦非完全出於外力之無理壓迫，以及因國家乏力保護而起。且證諸世運，民族國家間之爭鬭，萬不能免。倘無自存能力，致受壓迫，此實當然的結果。故民族之生存與獨立，吾人祇問其有生存之權力與否，不能徒以公理的決斷，或其他道義的批評也。

自醜難知借鏡便見

余此次南遊，見我國人之賤視或虐待土人，至衆且暴，視爲當然。同時僑胞又深恨歐人之不平等待遇，呼籲於世。余初甚感痛苦，繼而惑焉。倘謂歐人不該以不平等待我，則吾人又何爲特別賤視土人，兼與爲列。可見民族間之待遇及其權利主張，當視其生存能力之大小以爲衡，絕不容納絲毫道義於其間。若曰：墮落之馬來人不知向上，咎有應得。則我國及僑民所受不平等之待遇，所以自解者何如？他人着着向我侵略，威逼利誘，務使我種滅國亡，以遂其慾，其視吾等之地位又何如其同於馬來耶；抑不同耶？

猶太人昂頭天外我國地位勝彼千萬倍

我國人素以獨立自尊，努力生存稱於世，如此待遇，夫豈能堪；然國家保育之力量未充，無理之壓迫，又源源而至；前途變化至如何程度，實未可料，深識之

士，視爲隱憂。此「千萬之華僑，與百萬萬以上之海外產業，其將僥倖聽命，受制於人，并盡舉所有，作臣下之獻，以苟存宇宙間，一如其居留地之馬來人乎？抑將本其數百年來之拓殖天才，努力向上，奮鬥到底，爲海外同仁及我民族，一雪恥辱，如猶太人之卒伸其報復之志乎！夫堅忍能幹如猶太民族，世界人士，猶恥共之。我國所處地位，實較猶太人勝千萬倍，則其工作成績，必在猶太人上。倘有可爲之道而不爲，或不急爲，而卒至永憊於被壓迫之列，斯豈特不如一亡國之猶太人；卽弱小無用如馬來族類，亦將竊笑而共哀之矣。嗚呼！海外之同胞乎？君等現在所處之可憐地位，不思振奮，設將來不幸而陷於更可悲之境域，其感想當何如乎？！

華僑實負特大之使命

雖然，比年以來，憂慮遼遠之僑民，對茲險巇前途，早曾慮及，已爲種種之教育建設，或組織團體以與國內外相呼應。且歷來革命事業，華僑之熱心贊助尤多。十餘年間，海外同胞有此巨大之成績與努力，不可不謂大出吾人意外，理無過事批評，以灰其志；顧年來國運如此，華僑所負之使命特大，國人所仰望於華僑者亦切。而著者年少氣盛，未諳世艱，知無不言，言無不直。行期必得，不計成敗。下所論列，容有過當之辭。然時勢急逼，是亦春秋責備賢者之義。故謹以觀察所得，分述其利害及計劃如下：

華僑受外人壓迫之種種原因

我國僑民被壓迫之事實及原因甚多，不勝縷述。然考其取侮之由，歸納言之，不外下列數種。

最初目的自誤

數十年前，國人往海外者，完全以在國內謀生乏術，（亦有少數傑出人物），爲社會法律所不容，不能不冒險遠航，別求一托足地。是彼等最初之目的，但求足庇一身，衣食安頓而已，實未暇計及將來之發達，而豫立鴻圖也。

傲慢致富者輕視知識而種召侮之深因

邇時南洋一帶，空地甚多，住民稀少，既無競爭之勞，復受天然之惠，倘稍事生產，凡品性勤儉者，發展機會，隨處可遇；或者稍施權詐，亦足暴富。試考南洋之擁有巨資者，其發源何莫非出此兩途。此種傲慢與幸運之成功，實足養成一般人之投機心理，及輕視知識之成見。且以其環境及常識之囿於金錢及金錢化也，故其